

**Clâsse 602**

**“Tout est bein tchi finnit bein” par GJ (Geraint Jennings)**

Eune belle séthée d'nièr beurre y'a tchiques années,  
Hélas, fut mèrtchie par eune tragédie:  
Ma grand' tante tchit dans la peïle et fut nyée,  
Sans qu'nou pûsse arrêter la rêmueûthie.

L'nièr beurre? Ma grand' tante l'avait amendé;  
San corps li donnait un goût d'èrva-s-y.  
Sans côffre ni fôsse, la pouôrre vielle fut potée -  
(Nou ménagit dé l'vendre deux fais pus chi).